



Maikemišetšo a IEB go ditumelo tša thuto

IEB e šomišana le dikolo tšeo di lego maemong a go fapana kudu – e lego tša mmušo le tša praebebe; tša go ba le didirišwa tša maemo a godimo le tša maemo a fase; tšeo thuto ya gona e lego ya maemo a godimo go ka bapetšwa le ya makgonthe ya lefase ka bophara; le thuto yeo e lego gore e humanwa ka go no balwa dinoutse go tšwa pukung, ge e le gore morutiši a ka ba a le gona sekolong, dikolong tšeo e lego gore di swenyega ka maemo a thuto, go e hlomphe le go tšeela maemo a yona godimo, tšeo e lego gore tšwelopele ya baithuti ga e bohlokwa gomme motho o bea dinyakwa tša gagwe pele ga tša baithuti. Motho a ka tšwela pele ka go hlaloša maitapišo a mantši a go fapana, mabaka le maitemogelo e le tšona tšeo di hlatselago maemo a thuto tikologong le nageng ya rena, kontinenteng ka bophara.

Bašomedi le Boto ya IEB, ba rile go lemoga bothata bjo Afrika Borwa e lebanego le bjona, ba naganišiša ka mekgwa ya go leka go thuša ka go tsenela diprojeke tša thuto. Re a tseba gore thuto e na le filosofi le mohola setšhabeng ebile e tšwetšwa pele ke ditsebi tša makgonthe. Ka go realo, ke phišegelo ya IEB go tšweletša mošomo wo pele ka go tlhama setatamente sa gore – *Maikemišetšo a IEB go ditumelo tša thuto.*

Rena ba IEB re lekile go hlaloša bohlokwa bja thuto mo setatamenteng se. Re leka go hlohleletša dikolo le barutiši gore ba neele baithuti menyetla ya go tsenela diteko tša go fapana go swana le meraloko, dipoledišano le dingagišano tšeo di tlo go ba thuša gore ba be le mabokgoni a go fapana ao a tlo ba tšwelago mohola. Lefase le la rena la mararankodi le nyaka badudi ba lona e be batho ba go ba le maikemišetšo le maikarabelo a go leka le go ba le phišego ya go tliša diphetogo tša maleba. Ke ka fao IEB e netefatšago ka mehla gore diteko e be tša maemo a godimo tšeo di kgontšhago baithuti gore ba kgone go phadišana le baithuti ba bangwe lefaseng ka bophara. Se segolo seo se hlohleletšago IEB gore e tsenele diphadišano tše tša diteko tša godimo ke tumelo ya gore, ge baithuti ba rena ba ka fiwa monyetla wo, ba tla kgona go tšwelela magareng ga ditšhabatšhaba ntle le go ipelaela.

Tumelo ye ya boleng bja godimo baithuting ba rena, ke yona e dirago gore IEB e leke go huetša maitemogelo a thuto ka diteko tša maemo a godimo.

Ke ka wona mabaka a, gore IEB bjale ka sehleng sa

thuto, e ikeme e be e tšweletše setatamente se.

Ditumelo tša maikemišetšo tša thuto ya IEB

Pono ya IEB ke go tšweletša pele boleng (khwalthi) bja go ruta le go ithuta mo Afrika-Borwa ka tshepetšo ya kelo ya tshepego, ya tlhamobofsa ya go bapetšega le ya boditšhabatšhaba.

IEB e na le temogo ya gore kelo e bohlokwa go tšweletšopele ya barutwana bao ba lego baagi ba Afrika-Borwa bao ba nago le maikarabelo, bao ba kgonago go rerišana ge go na le ditlhothlo tša lefase ka kakaretšo. Ka mehla ka dikolo tša rena, re hlagiša mabaka a go tšweletšapele barutwana bao ba lego:

Maikemišetšo a IEB go ditumelo tša thuto

- bašomiši ba tshedimošo ka tsitsinkelo
- baphegiši ba maitshwaro le botho
- bararolli ba mathata
- banagani ba go itlhamela le go itshenka
- barutwana ba go se kgaotše go ithuta
- maloko a setšhaba a go ba le tlhompho go phapano ya merafo gagolo go lebeletšwe phedišano ka Borwa bja Afrika
- baagi ba mahlaha, ba go ba le mafolofolo, bao ba swarelelago go metheo ya Molaotheo wa Afrika-Borwa le bophelo bja katlego bja batho ka moka.

IEB e thekga maemo ao a rego go tšwetšwa thuto pele, ya boleng, go direla moagi yo mongwe le yo mongwe wa Afrika-Borwa ke motheo mo go hlomeng setšhaba sa mekgwa ye mebotse, seo se lokologilego, sa mekgwa yeo e theilwego godimo ga bothutasetho bja temokrasi, toka ya boleago le ditokelo tša setho, moo ditšo tše di fapanego di thabelwago le go amogelwa.

Nepo ya IEB ke go dira seabe se bohlokwa go tšwetšopele ya dinyakwa tša batho, seo se tšwelago pele ka go šomiša boakanyetšo, go aba le go tšweletša pele mekgwa ye mentši ya go fapana ya khwalithi ya maemo a godimo a ditšweletšwa tša kelo tša go se bitše mašeleng a mantši le le go aba ditirelo mafapheng ka moka.

Mošomo wa IEB o thekgwa ke go ikgafela go dira **dithutasetho** tše di latelago: tshepego, tlhompho, boikgafela le tirelo, boithutedi, kgokagano, khwalithi le tirišanommogo.